

元和唯亭志卷六

寺院

菴堂附

吳中佞佛自吳赤烏時孫權母夫人始迨梁天  
監中崇信尤甚琳宇梵宮遍處相望名勝之區  
半為二氏占盡矣顧得此以誌古蹟悟前因亦  
清淨身心之一助也志寺院

延福禪寺 在上塘東市宋開慶閒法印和尚創建  
寺前後一水迴環如金鉤掛月寺有古蹟五後岡  
銀杏樹宋版法華經梅花磧半舫樓分水隄碑今

元和唯亭志

卷六

寺院

一

惟銀杏法華經在焉

詳古蹟

明嘉靖末里人歸大同

重修 國朝康熙二十八年僧心達再葺乾隆三  
十四年里人李潮王毓秀等將梅花磧故址改建

斗姥閣文昌殿

王岱東記

五十三年僧明愍建寫經軒

於後殿西北隅

朱丕成記

嘉慶初又建魁星閣於斗姥

閣東二十四年地藏殿燬於火道光元年重建二  
十一年里人沈宗朝朱驥雲領募重修

王岱東

斗姥閣記

宋開慶閒建延福寺於唯亭東序三椽日梅花磧  
前後一水迴環如金鉤掛月歸菴題唯亭八景

之一也年久傾圮族弟倬雲曾偕同志數君子議  
以礪址建斗姥閣今年夏崧維承兄倬雲志集諸  
君子鳩工庀材五旬告竣勒石以誌之殆與前明  
世宗朝里人歸大同重葺寺功並垂不朽云時乾  
隆己丑仲秋日

### 朱不成

延福寺寫經軒記

唯亭延福禪寺為宋僧法印建元明以來香火不  
墜泊法嗣勝如歿遂中落明愍上人本鄧尉宗派  
乾隆戊子夏里之人延為住持駐錫後雲堂佛像  
金碧爛然又置飯僧田五畝零為寺產今二十年  
於茲矣所攜鉢資僅存百金或勸上人盍於所置  
田中卜生壙上入曰做和尚喫常住飯有錢為常  
住用違計老之將至耶丁未秋於殿西築屋三椽  
為習靜所落成遠近交稱之千年古刹賴以振興  
其功德為無量矣上人善書時寫法華經  
全部故名寫經軒時乾隆丁未秋重陽日

## 元和唯亭志

### 卷六

寺院

二

### 李汾

喜斗尊閣落成

唯亭古寺歷千年蒼然大樹凌雲烟龍螭剝蝕神  
明護不隨世運相推遷寺中舊有梅花龍劍一  
影清堪鑑梵室猶存蝌蚪書空潭還躍雙龍  
朝改作斗尊閭天威咫尺聲靈濯問道誰家  
始云是立亭重一諾立亭物故逾六載有弟  
亭秀毓志不怠善承兄志捐囊資天宮巍煥真如  
江生域朱子倬趙倚樓德芳修齋說法長淹留更有  
吾家大小阮兄弟譚潮譬諸築室同網繆諸公俱占清  
閒福獨余樽散老樊邱早春握  
管興還適特來初地澆詩喉

### 顧昀

延福寺寫經軒作

丈室寂無事遙聞衆妙香風聲沈古磬樹色冷斜  
陽常日遊蹤少同來客興長誰知塵市裏有此贊

房公

重元禪寺 在唯亭山麓自唐有之建始無攷相傳

唐時為吳中一巨剎今遺跡俱湮惟寺前石幢一

軀猶唐時建蹟詳古

法華教寺 在北斜塘宋僧用宣及其徒行遇建取

半塘法華舊額為名僧思記 國朝康熙丁未僧剡

舟領募重修

尤侗重修法華寺募疏

按古法華寺在金樓里始晉義熙商人謝本艤舟塘上中夜聞經聲琅然曉起過一荒冢上出青蓮花枝見者指謂昔有童子日誦妙法蓮華經死而瘞此土人異之遂寺焉越數百年至南宋時有宣

元和唯亭志

卷六

寺院

三

上人結茆於此其徒行遇更拓宏規再傳法昇勒碑紀績考其歲月實嘉泰壬戌也又數百年寺燬兵燹碑亦湮沒迄康熙丁未住持剡舟從瓦棘中檢得斷石補綴成文雖有闕疑因緣昭然矣剡師慨念先疇奮圖經始持一冊乞疏於予嘗覽洛陽伽藍記每嘆南朝四百八十寺傳至今日尚有情豈無黍離麥秀之感或者廢興成敗運數使然佛力亦難強持任子孫有志自為之耳今由晉以來易代改元不知其幾即寺之變革遷移亦不知其幾乃師以孱然窮衲一旦欲起而大復之鮮有笑其愚者而予獨勉而進之以成其志焉且自寺之敝僧徒怠散相沿為應副之學鼓鑊唱佛戲而已師出而一洗舊習結禪關嚴戒具大衆翕然從風是知願力所趨風氣可驅而轉也况區區土木之功乎童子時嘗嬉遊於寺而不能忘焉嘉剡師之勤故為諸君子樂道如此碑記有云水光樹影之中樓閣虛明軒窗幽潔經行雲後晏

坐月叢香風時來雨花未掃此景雖往猶可追而覩也願與諸君子不日成之

阜安寺

在澱涇明嘉靖三年建

文震孟記

南有明隱士

高守耕祠今圯

仁壽菴

在上塘王店橋東

金沙菴

在小唯亭周涇橋西左有歇涼亭

錦繡菴

在唯亭山重元寺前

彭紹益

陪王丈山喬暨沈松齋朱椒堂遊錦繡菴次椒堂韻

捧袂今朝共一船半篙流水去悠然路通小港山門近鳥下深林齋鉢傳解語但陪文士飲問心未得祖師禪擬尋自傳問居樂二十餘年香火緣

元和唯亭志

卷六

寺院

四

八仙堂

在下塘歸家港四月十四日仙誕遠近舟楫雲集進香菴前多陂池居民皆植芰荷朱丕成

詩有幾日南風曛欲醉荷花香滿八仙堂之句

道王菴

在十九都元至正間僧至演建

圓通菴

有二一在顧巷村一在陽城

曇王菴

在十九都唐中和間僧法證建

觀音菴

在南十九都項田村

三官堂

在中十九都橫港村

福壽菴

在下二十一都陽城

積善菴 在二十一都元至正二年僧徹心建

雨花菴 在下二十一都陽城

慈雲菴 在下二十一都陽城元至元間僧景嵩建

明申時行題陽城八景慈雲曉霽卽此

蓮池菴 在下二十一都陽城建始無考乾隆九年

里人孫九吉俞子厚倡捐重建三官殿城隍行宮

僧瑞  
明記

凝秀菴 在下二十一都陽城乾隆初里人俞子建

捐建

元和唯亭志

卷六

寺院

五

定善菴 在二十一都宋紹興間僧法如建

崇貞菴 在二十二都元至元間僧一興建

永慶菴 在下雉瀆五代廣順元年僧祖慶建宋建

炎初瑞光寺僧懷秀重建明永樂元年僧源湜再

趙友  
建同記

毛塔菴 在毛塔元大德二年僧勝本建

妙明菴 在二十二都宋紹興間僧宗禮建

白雲菴 在二十二都孫墓村

華嚴菴 在二十二都宋建炎二年僧大采建

白龍菴 在懸珠村宋紹興年僧止禮建中祀陽山  
白龍母每歲龍來省母旋繞於祠鄉人皆目覩焉  
集福菴 在南莊明天啟年建大木千尋迴廊百折  
沈德潛題其軒曰帆影櫺

猛將堂 附近村莊隨處皆有不能悉載里中祔祀  
延福寺殿左每歲屆秋社時農人爭先致祝以迓  
神庥邑志載神姓劉名銳宋大將劉錡弟常爲先  
鋒陷敵保土者也或云卽五代時南唐劉仁瞻也  
累封吉祥王相傳神能驅蝗

元和唯亭志

卷六

寺院

六

華祖殿 在延福寺文昌殿左祀漢神醫元化先生  
陀以仙方濟世極著靈應

肝胃二氣許陶仙官殿 在延福寺文星閣下